

# ANA ITERANIBA TE AONO N TE BETEBEKE

AIA RONGORONGO MATANIWIN TE AONO

## Kinakira

Iroun Unimwaane Craig A. Cardon

N totokin au mwakuri bwa te Itingaun ni Mataniwi ni Kabuta, ao I a tia n nang iango raoi ao n tataro mwaaka ni kan ataia bwa tera ana rongorongo te Uea are e tangirai bwa n na tibwaia ma ngkami, tariu ao mwaneu aika tangiraki ni kabuta n te Betebike. Te kaeka e a tia n roko n te itera are n tokin au waaki inanon au tai ni beku inanon tebwi ma uoua te riri—nimaua n Aonon Aberika Maeao, nimaua n ana Etekuata te Ekareti I Salt Lake City, ao ngkai kaba-neana uoua n te Betebike.

E kakabwaiaki aanon te Betebike ma aekakin nako reeti aika kakaokoro ao kateia aika mwaiti. Aio e kakoau-aki ao n nooraki bwa, Micronesian, te Melanesian, ao Polynesian reeti, ai aron naba renganana mai Europe ao Asia. Ngkai e rang mwaiti reng-rengai aomata ma kateia, iai mwakoro ake a tiku kateia ni kakaraoaki are a taekinna kain te Betebike bwa kinakiia. E ngae n anne, man kina-kiia aomata aikai, te Uea e kan ataia bwa ti na kanga ni kinaira n te maiu n Tamnei inanora ao n tamneira, ao ni kaotinakoa nakoia raora. Aio bon kinaakira, ao bon kinaakira are I tangiria ni maroro iaona.

“Te Utu—Te Katanoata nakon te Aonaaba” e taetae iaon kinaakira e taku:

NIKABANE AOMATA—mwane ao aine—a karikaki ni katotongan te Atua. N tatabemaniira bon natia kaaro ake i karawa aika aine ao mwane. . . .

Te riki ni mwane ke n aine bon te kanikina ae kakaawaki n tatabemaniia n te maiu imwain te maiu aei, te maiu n rabwata, ao te kinaaki ma te kantninga ae akea tokina.

Aio bon te moan raoi kinaki iro-ua natin Tamara n roko iaon te aba: Tamnei nati mwane ao nati aine irouwia kaaro ake i karawa. Ma a mwaiti riki.

Te Uea Beniamina e tararua iaoia ana aomata Taraemera, ake ibuakoia bon Murekaite ao Nibwaite.<sup>1</sup> E ngae ngke iai rikiia ae a kaai n riki iai are a tia ni kanakoaki tabeua bubua n ririki n nako, inanon te tai ae uarereke a tia ni karikirakei kinaakiia ae onoti. E ngae ngke aia taetae a rikirake ni

kaokoro, ni karokoa Murekaite a rei-reinaki n aia taetae Motiae.<sup>2</sup> Imwiin reireinaia aomata n ana euangkerio Iesu Kristo, te uea Beniamina e ata kainnanoia ana aomata bwa a na riai ni karekeia kinakiia are e koreaki n te euangkerio are e na tiku n tainako ina-noia ao e na ataaki ni kaotaaki nako, ni moanibwaia kinaakina n aonnaba ake tabeua.

Ao ngkai, ibukin te berita ae tabu are kam a tia ni karaoia, kam na aranaki bwa natin Kristo, natina mwaane, ao natina aine . . . bwa kam taekinna bwa a bitaki nanomi rinanon onimakinan arana; mangaia ae kam a bungaki irouna ao kam a riki bwa

*“I tuangkami,  
katiteuanaaki; ao ngkana  
kam aki katiteuanaaki tiaki  
au bwai ngkami.”*

(Reinei ao Berita aika Tabu 38:27)



Unimwaane  
Craig A. Cardon



natina mwaane ao aine ngkami . . . Bon akea te ara riki teuana are e na reke mai iai te kamaiuaki; mangaia ae I tangiringkami bwa kam na katoka i aomi aran Kristo . . .<sup>3</sup>

Ibukira ngaira n te Ekaretia, aio bon kinaakira ae moan te kakaa-waki: Natin Kristo, ti bungiaki Irouna. Ngkana e toka kinaakira anne, aomata ao ana kantaninga te Uea e na tokanikai. Ngkana te reeti ke kinaakin te katei e taonaanako kinakin ae natin Kristo, e na kai reke te itabarara ao ana aomata te Atua a na kabua ana kakabwaia te Tamnei.

Moomon e korei bwaai aikai aika kananokawaki ake a kaoti imwain kaotin Kristo imwiin manga utina ngke aomata a kabwaka iaon kinakiia bwa nati mwane n Tamnei ao nati aine iroun te Atua ao natin Kristo.

Ao aomata a maenako imarenaia; ao a maenako imarenaia n taian barong, ni kabane aomata n ana utu ao ana koraki ao raoraoia . . . bwa a bon anga ngaia nako nanoni mwaakan Tatan . . . Ao a bon karika te itabaraa-raa ae korakora n te aba. . .<sup>4</sup>

Inanon te Ekaretia ao n abanuean te Atua, ngkana kinaakin te katei ke bon te utu e taonanako ara itaritari ao ara imwamwaane n Tamnei ao riaon arora n riki bwa natin Kristo, te Tamnei e nanokawaki. N ara titeiki, mition, mwakoro, uoote, ao mwaanga, nakon are te moan bwa kain Aotiteria, Nutiran, Papua New Guinean, New Caledonian, Ni-Vanuatu, Solomon Islander, Marshallese, Kiribati, Fijian, Tongan, Samoan, French Polynesian, ke ni kinaaki riki tabeua, ti riai moa n riki bwa nati mwane ao nati aine irouia kaaro ake i karawa, tariu ao

mwaneu, ao natin Kristo, ngkai ti bane ni bungiaki irouna.

I tangiri ngkami, tariu ao mwaneu aika tangiraki, ao I kaota au kakoaua bwa Iesu Kristo e maiu ao bon ara Tia Kamaiu. Ti bia kakauongo nakon ana reirei, “. . . katiteuanaaki; ao ngkana kam aki katiteuanaaki tiaki au bwai ngkami,”<sup>5</sup> bwa E na kona n taekinna

ibukira “Ao te Uea e araniia ana aomata bwa tion, ibukina bwa ti teuana nanoia ao teuana aia iango. . .”<sup>6</sup> ■

#### KIIBU AIKA A NA TARAAKI

1. Ominae 1:15; Motiae 25:2.
2. Ominae 1:17–18.
3. Motiae 5:7–8.
4. 3 Nibwaai 7:2–7.
5. Reinei ao Berita aika Tabu 38:27.
6. Mote 7:18.

#### ANA ITERANIBA TE AONO

## Moroni High School e Karaoa te Taromauri n Ururing Imwiin te Kabuanibwai I Kiribati

Man Ana Ruu ni Kareke Rongorongo te Moomon

T e tataro n ururing e karaoaki n Moroni High School n te Katenibong Beberuare 7 ni karineaia naake a bua maiuia ao tabeman ake a bua imwiin kabuanibwain ana kaibuke Kiribati. MV Butiraoi are e iinako ao ni kabuai maiuia 81 bwatintia, ibuakoia a

bon mwaiti ataei ao kairake ake tebwi tabun te ririki.

Bwatintia iaon te MV Butiraoi iai kain Ana Ekaretia Iesu Kristo Ibukiia Aika Itiaki ni Boong Aika Kaitira aika toka iaona. Araia naake a bua e tuai n otinako araia mairouia naake tabeia.



Ana karo Aroita Tokintekai, are e mate n te Kabuanibwai, taetae nakoia ake a ira te taromauri n ururing

*Ae Karineaki  
Taneti Mamau,  
Beretitenti mai  
Kiribati, taetae  
nakoia ake a  
ira te taromauri  
n ururing ni  
karineaia naake  
a bua maiuia ni  
kabuanibwain  
te kaibuke.*



Ibuakoia naake a ira te taromauri ni kauring bon Ara Beretitenti ae Karineaki Taneti Mamau, mai Kiribati, ao te Moan Aine, Teirang Mamau; ao Kain te Auti n Tei mai Tarawa Teinainano ao Maiana; Mataniwi mai-rouia Aika Itiaki ni Boong Aika Kaitira, Peninsula T. Mwemwenikeaki; te mata-niwi n Ana Ekaretia Iesu Kristo ibukiia Aika Itiaki ni Bong aika Kaitira, taan reirei ao raoraoia.

“E taona aon Kiribati te roo ngkai e rainannoanga ibukin buan maiuia naake a irekereke n te kabuanibwai aei i taari,”

“Ngai ao ni kabane kain te tautaeka ti rawawata, n ai aromi, n aron te kabuanibwai ae kauruaki nano aei.” E reitinako n taetae iaon wae-koan tokanikaia kain Kiribati iaon te kangaanga, ao imwiina e karabwa Ana Ekaretia Iesu Kristo Ibukiia Aika Itiaki ni Boong aika Kaitira ibukin aia anganano ao tatauraoia n anga te buoka

ao te boutoka nakon te tautaeka n taai ni kangaanga, ma ae kakaawaki riki ibukin kairakia aomata ni maiuakina te maiu ae raoiroi. N aia taeka n nanokawaki ana karo Aroita Tokintekai, are e mate n te Kabuanibwai, a kaota aia kakaitau ibukin atakin te utu ae akea tokina. A taetae iaon namakinan te rau are a karekea ibukina bwa a ataia bwa a na manga noora natiaa.

Te Mataniwi n te Moronai High School, Banririe Nenebati, e taetae naba nakoia ake a roko, n anga ana taeka n rainanoanga.

N taetae iaon te kangaanga, Unimwaane O. Vincent Haleck, Beretitenti n te Betebike e taku, “Ti rootaki n te nanokawaki n rongorongo te Kabuanibwai aei. Ara iango ao ara tataro a raoni ngkami kain Kiribati inanon te tai n rawawata ao tataro bwa ana kakabwaia te Uea ni karaunano ao te rau e na tiku iaoia utu ao raoraoia naake a bua maiuia.” ■

## Kamaiuan Amwarake aika Bongana n Aban te Betebike aika Riki man Rakai

*Man Ana Ruu ni kareke  
rongorongo te Moomon*

Tioromaea Taunun, ae kain Ana Ekaretia Iesu Kristo ibukia Aika Itiaki ni Boong aika Kaitira are e maeka i Tarawa, e a tia n anganano n ana mwakuri ao ana tai n reireiniia kain rarikina. E toka n ana bwatika nakon tabo nako i nanon kawa n reireiniia kain te kaawa aron katean te onaroka n aia tabo ao n anganiiia kora ao kabwebwe are e katauraoaki irouwia kain Taiwan Teknikoo Bwaam (TTB). N te tai aei e mwakuri ma 150 aomata.

Daniel Kitchen ao kainnaban Rebecca (taanga ni mitinare n te Bootaki n ibuobuoki ake a beku n te mition ae bwanin), a reiakin konabwai aika boou iaon te onaroka n te aba ao a buoka Tioromaea ma tabena n reirei kateimatoan te onaroka nakoia kain te aba.

Kiribati iai ana atimwakoro aika 33 aba aika riki man te ane.

Rongorongoa, aomata n atimwakoro aikai a maiu iaon amwarake aika teimatoa ake a katobibia. Ika, mai, ben, ao bwanana bon akanne oin kanaia. Te mwakuri are e irekereke ma kinikakin uaanikai n amarake ao ikotan kanaia are e irekereke ma marurungiia kain te aba. Moan



te mataki, aorakin te buroo, rietata n rara, te aotia n te wae ao te korokoro.

Te Bootaki ni Kamarurung n te Aonaaba e katautaua bwa 30% kain Kiribati a rootaki n te tioka ao a mwaiti riki ake a tuai n tuoaki.

Inanon 2012, te “Kakatai iaon Amwarake” e karaoaki i Kiribati man te LDS Charities. Oin te kantninga are e kabwarabwaraaki man te Beretitentii n Aonon te Betebek n te Ekaretia, bwa e na kaitara te kangaanga n aki maiuraoin te tano, kabonganaan kai n nakotaari ao amwarake aika baeranti.

Te waaki ni karikirakean onaroka i Kiribati bon te kangaanga ibukin nnena. Kiribati e tei iaon te ekuetoa, aba aikai a riki man te ane, e rota te otawbanin. Kabuebuena, karen angina ae taoro ao uarereken ke aki taun te tano bon kangaanga aikai a riai ni bwainaorakiaki.

N te ikarekebai ma te TTF, LDS Charities e waakina ana burokuraem n reireiniia kaiin te aba iaon kabonganaan ao aron kamaiuan “onaroka ae anga te kaeka”—te beera ae karietaaki, kamkamka, ao te tititem ae onomwi aika bane inanon teuana. Bukinikai a rineaki man onaroka n aroia ni kona ni kaitara te kabuehue ao tein te aba n reitaki ma bonganaia nakon te rabwata.

TTF e katauraoa te koraa ao kabwebwe ake a tibwatibwaaki nakoia taan maeka iaon abamwakoro. Kukambwa, tomato, watermeron ao pak choi ake a kinaki bwa kaai aika a kona ni maiu n te kabuehue ao ni karekei amwarake aika boongana ake a kainnanoaki. Kumara, are e korakora ana Waitamin A, e karako n reke irouia ataein Kiribati, a buoka



karokoan te raiti, amwarake n tiin, burawa ao mooi aika karewerewe ao tinaeki, ni kabane ake a iokinibwaiaki, kanaia kain te aba ao tein maiuia

a bibitaki nakon akanne ao ngkai a rootaki n Aoraki imwiin kanakin amwarake akanne, riki te Aoraki ae te tioka ae te karinan 2 n raonaki ma

naba kamaunaan te mataki n te bong ao xerophthalmia, te bwatakataka n te mata are e karekea te mataki n aki nooraba.

Iaon te atimwakoro ae Tarawa, kain te Aro ake iai abaia are a kamanena nakon te "onaroka n reirei."

Kamkamka man uteute, uteuten taari (karekea te nitrogen), banmai ao ika a kabonganaaki bwa kamairaoan te tano, ao e na kabonganaaki bwa te tabo n reirei.

Reirei a katauraoaki nakoia kain te aba ake a kona n roko n reirei te

kuuka ao ni katoonga banikai aika kangkang are a tibwa rengana kanaia. Reiakinan te kawai ae kamarurung ae boou n te amwarake ao te maiu bon te waaki ni bitaki n aron bitaki tabeua ntein te maiu, e a riki nakon te aomata temanna inanon taina. ■

## Rongorongan Ngkoa te Beretitenti n te Mition mai Tonga are E na Karakinaki n te Tamnei ae Boou

**Man Ana Ruu ni Kareke rongorongo te Moomon**

John H. Groberg ao kainabana Jean bon mataniwi n te mition ngkoa i Tonga n 1960 tabun. Te birim ae boou e na kao-tinakoaki are e na karakina rongorongoia.

Bon reitan te birim "Iteran Karawa Are Teuana," are e kaota ana teniua n ririki Unimwaane Groberg n ana mition i Tonga ngke e kairake.


Te birim ae boou e na raweaki i Biti, Nutiran ao te United States.

"I tangira karakinaia aomata n rongorongoia aika a reiakinna ao n rikirake rinanon kangaanga," e taku te tia karao birim, Tarekita ao te tia korei aia taeka, Mitch Davis. "Tabetai n te maiu aei ti reiakinna rinanon bwaai ake ti korakai iai ao ake ti tokanikai iai."

"Te Tamnei aei e kaota aroia aomata man katei aika kakaokoro ao koaua ni ikotaki ma aia onimaki, ao kakai ao ni kariki bwaai aika tamaroa," e taku.

Unimwaane Groberg ae 84 ana ririki e na mena i Biti inanon Eberi ni matakua n rawean te Tamnei ngkai e karaoaki. Kakatai a na reitinako ni karekeia aekita ibukin tibwanga aika kakaokoro. ■

*Te birim ae boou e na  
kaotinakoaki iaon te Beretitenti  
n te Mition i Tonga rimoa John H.  
Groberg ao kainnabana Jean.*



KATAURAOKI

# Taanga aika a Kaara A Kaeka Nakon te Beku

**Man Ana Ruu ni Kareke  
rongorongo te Moomon**

"Ngkana ti iangoia mitinare n te [Moomon], ti katea te Tamnei n ara iango tamneia kairake mwane ma aia kabwaraaki ao aia neketai ao kairake n ataeinnaine ni kunnikaia aika tararaoi. Ma irarikiia nakai bon taanga ni mitinare aika kaara ake a tia ni kaeka nakon ana bubuti te burabeti ao Abotoro ibukia n riki bwa mitinare aika taanga," e taekinna Burabeti Russell M. Nelson.

Te Ekaretia e a tia ni kanakoia 317 taanga ni kara man aban nako te Betebeke Maiaki onoua te ririki n nako. Angiina mai irouia a tia ni beku ke a beku n aban e Betebeke. Taanga aikai iai aia rongorongo aika a riinga te nano ake a na tibwauia.

Taanga ni mitinare aika bon mwakuri naba, Tony ao Mary Aiono, a kakoroa nanon nanoia ae nano ni beku ibukin te Uea. A katuka aia onimaki Irouna, a kitana mweengaia ma

*"Iai Tabeua te tai inanon  
maiumi are kam na  
kimwareirei [n ae batij] n te  
Tamnei ae Tamaroa ao ni  
karaunano are e roko man  
te ikotaki ni [beku] n  
ana mwakuri te Uea."*

*Thomas S. Monson (1927-2018)*



**Loueni ao Nunia Huni a katauraoi ngkai ni karina aia beebwa ni bubuti  
ni kan beku riki ibukin te mitinare**

aia utu i Apia, Samoa, ao a mwaing nako Papua New Guinea ibukin tebwi ma waniua namwakaina.

Inanon ririki aika batii, te Aono a tia n iangoa karaoan aia mition n aia Ekaretia. E mwaiti te tai are e tibwauia Tony ma tabeman bwa "n te bong teuana N na nako ni karaoa au mition."

A uaia n namakina te kaungaaki ni beku imwiin ongoia iroun te burabeti are mai imwaina Thomas S. Monson (1927–2018) ngke e kaota ana iango: "Nakoia naake a tuai reke aia tai inanon maiuia ngkana ko kona ni beku bwa taanga n te mition, I kaungai ngkami bwa kam na katauraoi ngkai ibukin te bong are ngkoe ma buum kam na kona ni karaoa."

"Ngkai e nakoraoi ma aromi, ngkai kam a tau ibukin te ritaea, ao ni marurungimi, ni katauraoi ngkami ni kitana

mweengami ao n anga ami ibuobuoki bwa mitinare aika bwanin aia tai."

Ngkai atuun te utu e bon matoatoa iroun Tony ao Mary bwa a na tauraoi ni kiitana kabaeakina n utu imwiia. Te kararaoma te marurung ma a mwakuri bwa ana marurung n rabwata ao n tamnei bwa aonga ni karekei bwaia aika a kainnanoaki ibukin te marurung.

Rinanon aia bong aika kaonaki ma mwakuri aika matoatoa ao anganano, a mwaiti kakabwaia ake a tia n reke irouia. A kukurei bwa kabaeakii n aia utu a tia n karaoaki ngkai aki mena ikekei. A kakaraoa aia kamatebwai ni katoabong ni Koroboki aika a tabu "rikirake riki ni matoatoa n aia onimaki n Tamnei ao n rabwata."

E reke aia tai ni karaoa aia taromauri ibukin buun natia te mwane ao aia moan tibu n roko n te aonnaba



**Tony ao Mary Aiono a kitana mweengaia ma aia utu i Apia, Samoa, ao a waekoa nako Papua New Guinea ibukin waniua namwakaina.**

bwa reitan kakabwaia, a taku, ake a tia n roko inanon maiuia.

Taangan Aiono a kaungaia taanga n Ana Ekaretia Iesu Kristo tabeman ake iai nanoia n riki bwa ana reirei te Uea ni "katauraoi n te maiu n Tamnei ao n rabwata. Te onimaki ae matoatua ao te Kakoaua iroun Iesu Kristo ao ana Mwakuri ni Kamaiu e na riki bwa bwaai ni mwakuri aika korakora ni buokiko ngkai ko beku."

Namakinan te rauaki n te mwakuri ngaia ma taanga ni mitinare ake tabeman ake a tia n rinanona a kaotaki n te maroro aei, iroun Beretitenti Thomas S. Monson: "Iai Tabeua te tai inanon maiumi are kam na kimwareirei [n ae batil] n te Tamnei ae tamaroa ao ni karaunano are e roko man te ikotaki ni [beku] n ana mwakuri te Uea."

Taanga mai Tonga Loueni ao Nunia Huni a katauraoi ni beku n aia kauoua ni mition.

Ni kaineti ma ana riiboti Jan Hudson, te mitinare ae ea kara n te LDS Dental Kiriniki I Tonga, "Anne tiaki te bwai ae aki ririki. Mition a rang karineaki i Tonga, ao a mwaiti taanga ni mitinare aika beku."

Ngke e titirakinaki bwa bukin tera e baireia bwa e na beku n mitinare riki n te kauoua n tai, Hunis e taekinna ma te nanorinano bwa a tangira te Uea ao Ana mwakuri. Ao ni beku, a katuka aia onimaki iroun Tamaia are i Karawa ao Natina, Iesu Kristo.

Te Hunis a namakina te kakaitau bwa aia utu a karekea naba te kakabwaia ae korakora ibukin aia ibuobuoki n aia mition. A kakaitau naba nakoia tibuia n reken aia reirei ao

ngaia naba n reken aia kaa ao mweengaia are a kamanoaki inanona ngkai tabeua naba man kakabwaia akanne. Aia utu a rang marurung raoi, e tau-raoi kanaia ae batia iaon aia taibora ao a kukurei. Ibukin bwaai aikai a rang kakaitau iai. Te beku n riki bwa mitinare irouwia taanga aika a kara n aron Loueni ao Nunia a boutokaia nakoia kain te Ekaretia ake a riitaea man aia makuri bwa ana riai n nako ni mitinare.

"Ngkana ko kan kaniiko nakon te Uea, karaoa Ana mwakuri ao nako ni mitinare."

Taangan Hunis a beku n te mition i Tonga inanon 2015–2017.

N aia tai ni beku, Loueni e kinaki ibukin ana ririki aika a batia n anganano ao n ibuobuoki, n tibaua te ika—nakoia rarikin ao kainnano—are konana n ana kainikatebe are e akawaia ni katoa tairiki n tebo i marawa.

Uabwi te ririki n nako Loueni e nanako n ti ngaia I akuun rakai ni katebe ika, ibuakoia bakoa, ibukiia kain rarikina. Wareka riki kamimiin ana karaki ikai.

Loueni e teimatoa n uua ao n akawa riakuun rakai ao n tibwatibwai konana nakoia kainnano. E arana ana mwakuri aei bwa te bwai ae beebeete, man taku "Aio maiu. Aio te bwai ae I kakaraoia. I beku ibukin te Atua, ao E kawakinai."

Namakinan te raunao n te mwakuri are a karaoia ma tabeman taanga ni mitinare aikai a kaotaki n te maroro aei, ae taekinaki naba iroun Beretitenti Thomas S. Monson: "Iai Tabeua te tai inanon maiumi are kam na kimwareirei [n ae batil] n te Tamnei ae Tamaroa ao ni karaunano are e roko man te ikotaki ni [beku] n ana mwakuri te Uea." ■

## **AREA WEBSITES**

The Church of Jesus Christ of Latter-day Saints

Pacific - English

My Account and Wins

Scriptures and Study Families and Individuals Share the Gospel Inspiration and News Serve and Teach

Search

PACIFIC

Home 2018 Area Plan About Us Area Resources Local News Church Resources Pacific Countries

# How These Couples Are Changing Lives in the Pacific

"If you want to stay close to the Lord, do his work and go on a mission."

## LOCAL ARTICLES

### New Temples Announced

President Russell M. Nelson announces plans to build seven new temples.

April 4, 2018

### Eight New General Authority Seventies Announced

President Dallin H. Oaks of the First Presidency of The Church of Jesus Christ of Latter-day Saints announced the calls of eight General

## UPCOMING EVENTS

All Events

## LEARN MORE

Request a FREE Book of Mormon

Talk to Church Representatives

Find a Church Meetinghouse

THE CHURCH OF JESUS CHRIST OF LATTER-DAY SAINTS

Newsroom Pacific

THE OFFICIAL RESOURCE FOR NEWS MEDIA, OPINION LEADERS AND THE PUBLIC

+ Global Newsroom International ▾

Home News Releases Blog Topics Leadership Facts and Statistics Multimedia Contact

TOP STORIES



NEWS RELEASE

## VIDEO: Hamilton New Zealand Temple Marks 60 Years of Service

On this day, 60 years ago (20 April 1958), David O. McKay, then president of The Church of Jesus Christ of Latter-day Saints, dedicated the newly constructed Hamilton New Zealand Temple.



NEWS RELEASE

### Coverage and News Media Resources from the 188th...



NEWS RELEASE

### South Pacific Reactions to LDS General Conference



VIDEO

### VIDEO: April 2018 World Report

Local Site – Pacific: [pacific.ids.org](http://pacific.ids.org)

Newsroom – Australia: [www.mormonnewsroom.org.au](http://www.mormonnewsroom.org.au)

Newsroom – Pacific: [www.mormonnewsroom.org.nz](http://www.mormonnewsroom.org.nz)

Salle de Presse – Pacifique: [www.mormonmedia.org.pf](http://www.mormonmedia.org.pf)

## ITERANIBA N TE TABO

A m Iteraniba n te tabo e katauraoaki irouia kaain te ekareta n oin ami tabo iaan ana kairiiri te Beretitentii n te Aono bwa e aonga n taekinaki iai kainnanoia ao aia mwakuri kaain te ekareta n te tabo ae ko maeka iai. Karinakin iteraniba n te tabo ni katoa baan te beeба ni kaongora e nakon tauraoin kanoana man te tabo. Ti kaoi ngkami bwa kam na tibwauai ami onimaki ni karikirakei iango ao mwakuri man kawaran am eteta n ami tabo n te:

[liahona-pacific@ldschurch.org](mailto:liahona-pacific@ldschurch.org) ■

